

Oké Take Away
Nos Special
Dialuna 10 Juli
-Moochi pisca pisca cora
-Carni stoba
-Porkchop
-Chicken breast
Pedido:
565-3232

S **Prijs** **1.25** **LO**
BRIYANDO FUERTE • TRECIENDO CLARIDAD
Dialuna 10 Juli 2023
Di Pueblo

GANA
1000
FLORIN CU
S **LO** **Di Pueblo**

**WARDAKOSTA DEN BON
COPERASHON KU KPA TA
INTERSEPTA EMBARKASHON
KU ILEGALNAN RIBA LAMAN**



**GERLIEN A “PEGA BARCO”
DI ASUMI COS ROBES RIBA
15 MIYON**



**Re-union familiar” di
refugiadonan ta causa di
caida di Gobierno di Rutte**



**Un homber transgender a gana
Miss Holland y lo participa den
Miss Universe na El Salvador**



**Dama
herida den
accidente
serio
na Bakval**



**SENTENCIA
DI 2 AÑA DI
PRISON A CAY
PA CAPITAN
CU A TRECE 15
ILEGAL ARUBA**

GANAN 1000 FLORIN CU SOLO DI PUEBLO PA “BACK 2 SCHOOL”

Premianan ta wordo anuncia dia 15 di Augustus 2023.

Tira e coupon aki den buzón na oficina di Solo di Pueblo na Sta Cruz 110, solamente entre 2or di atardi cu 4or di atardi.

Number y faam:

Adres: Celular: E-mail:

1000 florin - 1000 florin - 1000 florin



Secretario General di MEP: Nobato Gerlien no ta compronde Gerlien Croes e appendix di AVP ta un hurista di awa sushi!

Secretario General di MEP a mira con Gerlien Croes un politico nobato destila di e cuna di AVP no ta compronde kico kiermeen gobernacion. Pues lo ta bon pa e keda kisas 2 temporada mas den Parlamento pa asina e por keda pidi Ministernan encarga pa splike detaye di cada fase di un presupuesto. Alabes Gerlien a muestra claramente cu e ta e APPENDIX di AVP, a gaña di divorcia pero den cualkier posibilidad den futuro e lo brasa e sapatonan bieu te den eternidad.

Gerlien perdi totalmente den e materia cu su splicacion “BOBO” di 15 miyon:

Gerlien durante a tratamento di e reunion di BBO na frontera y den e dianan anticipando pa e reunion aki Gerlien e appendix di AVP a muestra claramente cu e no ta compronde ni politica tampoco cifra. Pues un hurista di awa sushi! Constantemente Gerlien ta critica segun Gerlien e hecho cu 15 miyon extra di ATA y algun otro N.V. cu a bin disponibel y segun Gerlien Gobierno mester uza esaki pa no introduci, entre otro, BBO na frontera. Tambe, segun Gerlien esaki lo resolve problema di Auba. Chistoso, pero hopi infantil.

Laga nos duna Gerlien un les awe:

Como politico nobato nos por compronde cu e no ta compronde gobernacion te den detaye ainda. Pero como hurista bo no mester pasa pa “bobo” tampoco. Gerlien semper a forma parti di AVP y den 8 año largo AVP tabata presenta un presupuesto supletorio tur

año riba e fecha 30 di december unda ya nan a gasta tur e placa sin autorisacion alabes ta aumenta e deficit cu minimo 100 miyon pa año anto 30 di december Gerlien su coleganan “marionetanan” den Parlamento tabata grita voor pa asina “dek” nan fechorianan por medio di ley. Asina AVP a maneha pais Aruba desgraciando nos finansa publico. Gerlien tabata sinta den rij ta aplaudi y ta bati man. Awor tin un gobierno responsabel cu a alcanza 60 miyon di surplus e año aki y cu esaki por cuminsa paga e debe di Mike Eman y AVP. E gobierno aki ya tempran den año a traha su presupuesto supletorio pa asina informa Parlamento y busca e sosten den Parlamento. Esaki ta yama traha manera hende drechi!

Locual Gerlien no ta compronde:

Tur pais na mundo durante año tin “meevallers” y “tegenvallers” y Aruba no ta diferente. Un “meevaller” di e año aki esta 2023 ta cu ATA hunto cu algun otro “meevaller” ta alcanza entradanan adicional pa gobierno di 15 miyon florin cual sigur ta un bon noticia. Asina mas facil nos por paga e debe esta e 2200 miyon florin cu Mike Eman y AVP a presta entre 2010-2017 sin un pandemia den año nan di bonanza.

Locual Gerlien no ta splica, lesa of compronde mi ta splike awe pa e compronde:

Gerlien mester “blijf bij de les”. Tin biaha no papia disparate pa bo pasa pa “bobo”. Aruba tin “tegenvallers” tambe den año



2023. Den presupuesto 2023 tin hancra cu SVB lo cobra 55 miyon florin na sector priva kendenan a ricibi “Loon Subsidie” di mas. Nos ta corda cu Aruba a presta 916 miyon di Hulanda den pandemia pa, entre otro, paga “Loon Subsidie” y “MKB steun”. Den esaki SVB achteraf a re-confirma cu varios negoshi den sector priva a ricibi hopi placa di mas cu nan tabatin derecho riba dije. Pues e placa “di mas” aki mester wordo cobra bek y ta hancra den presupuesto 2023. Awor a resulta awor durante año 2023 e 55 miyon cu SVB a premira cu nan lo por cobra bek lo alcanza 30 miyon y no 55 miyon. Pues aki tin un “tegenvaller” di 25 miyon. Pues pais Aruba lo ricibi 25 miyon menos cu tabata presupuesta.

Otro “tegenvaller” ta gastonan di interes cual ta aumentando internacionalmente y esaki a causa un aumento di 13 miyon florin adicional.

Pa Gerlien compronde:

Gobierno pa cubri, entre otro, e 25 miyon menos na entrada di “Loon Subsidie” plus 13 miyon di aumento di interes a haci ehercicionan severo interno cerca cada Ministerio pa corta mas gasto aun y banda di esey ta uza e 15 MIYON cu Gerlien ta papia di dje sin compronde pa cubri e “tegenvallers”. Esaki ta yama goberna responsabel.

Si Mike y AVP no a presta 2200 miyon desde 2010-2017 awe nos no ta para akinan.

15 ilegal Venezolano a wordo deteni purbando di drenta Aruba

Wardakosta den bon coperashon ku KPA ta intercepta embarkashon ku ilegalnan riba laman

Diadomingo 9 di juli den oranan di madrugada a ser detecta riba RADAR un embarkashon sospechoso drentando awanan territorial di Aruba biniendo for di direkshon di Venezuela.

Den cuadro di bon coperashon y coordinashon entre Korps PoliAe Aruba (KPA) y Wardakosta di Caribe Hulandes, ta logra intercepta e embarkashon, cu intento pa drenta Aruba di forma ilegal, y ser translada na e base di Wardakosta na Savaneta.



Abordo tabaAn 15 hende homber, tur di nacionalidad Venezolano.

E capitan a wordo deteni y a ser entrega na e recherchenan di Unit Mensenhandel Mensensmokel pa

sigi ku e invesAgashon.

E demas personanan a ser entrega na Guarda Nos Costa. E caso ta den

pleno desaroyo y e investigacion lo sigui kana su kaminda.

Gerlien a “pega barco” di asumi cos robes riba 15 miyon

SOLO DI PUEBLO a check e ponencia di Gerlien Croes y a conclui cu e hoben politico independiente a hasi un error grandi. Den su conclusionnan cu el'a saca, el'a insinua cu Gobierno lo tin bon resultado y positivo, pasobra tin meevaller. Kico ta meevaller? Esey ta un placa cu no a conta riba dje, pero a presenta.

Segun Gerlien: “Den caso di ATA a publica caba cu tabatin 42.8 miyon di entrada netto aña pasa y a calcula 30 miyon pa 2023. Pues aki caba tin 15 miyon florin extra cu ta ricibi for di e dos instancianan. Pues mas entrada di loke a calcula.

P'esey e no ta compronde e necesidad pa introduci

BBO na frontera, “

Awor, un bon experto den cifra a bisa cu mescos bo tin meevaller, bo tin tegenvaller.

Aki te error di e politico amateur, el'a coy e 15 miyon y tene na dje, pero e no a busca pa sa kico ta e tegenvaller cu tin, y cu lo hasi influencia negativo riba e 15 miyon ey.

Por a bin compronde cu SVB no a cobra tur e placa di loonsubsidie y pues aki a cay un tegenvaller di 30 miyon florin. E meevaller lo compensa e tegenvallernan. Pues no ta psobra tin un meevaller di ATA, kemen cu tin extra placa.

Si realmente Gerlien kier sigui den politica, e



mester hasi mas esfuerso pa compronde e materia, pasobra aki el'a pega barco, mal pega !!!

Conclusion ta cu e no tin ningun rason den su ponencia pa cual ta lage muestra un politico amateur y asina ta perde credibilidad.

SENTENCIA DI 2 AÑA DI PRISON A CAY PA CAPITAN CU A TRECE 15 ILEGAL ARUBA



Dia promer di Januari 2023 alarma a wordo bati pa boto di ilegal drentando Aruba. Autoridad a persigui e boto y detene e capitan cu algun rato prome a baha 15 ilegal na Mangel Halto.

Nan a sali di Punto Fijo dia 31 december 2022 pa 8'or di anochi rumbo Aruba.

Investigacion a determina cu e boto tabata inapropia pa 15 persona y ademas no

tabatatin ningun equipo abordo cu un boto mester tin.

15 bida a wordo exponi na peligro.

E capitan Venezolano a bisa cu el'a wordo ofreci \$ 1300 dollar pe hasi e trabao di cual \$ 500 a wordo paga adelanta y \$ 800 na su regreso na Venezuela y ademas el'a wordo priminti di lo haya un boto.Hues a dicta sentencia y a duna e capitan 24 luna di prison.

Wardakosta den bon coperashon ku KPA ta intersepta embarkashon ku ilegalnan riba laman



Awe diadomingo 9 di juli den oranan di madrugada a ser detecta riba RADAR un embarkashon sospechoso drentando awanan territorial di Aruba biniendo for di direkshon di Venezuela. Den cuadro di bon coperashon y

coordinashon entre Korps Politie Aruba (KPA) y Wardakosta di Caribe Hulandes, ta logra intercepta e embarkashon, cu intento pa drenta Aruba di forma ilegal, i ser translada na e base di



Wardakosta na Savaneta. Abordo tabatin 15 hende homber, tur di nacionalidad Venezolano. E capitan a wordo deteni y a ser entrega na e recherchenan di Unit Mensenhandel Mensensmokel pa sigi ku e investigashon. E demas

personanan a ser entrega na Guarda Nos Costa.

E caso ta den pleno desaroyo y e investigashon lo sigui kana su kaminda. ==

DRH empoderando empleado publico pa medio di Land Aruba Academy

Oranjestad, 10 Juli 2023— Den luna di mei, Departamento Recurso Humano (DRH) a lansa Land Aruba Academy, un plataforma di enseñansa digital cu tin como meta pa brinda tur trahado den sector publico un amplio cantidad di recursonan educativo y e hermentnan necesario pa mehora nan habilidadnan profesional y crecemento personal.

Land Aruba Academy ta disponibel 24/7 sin ningun costo y ta ofrece un cantidad amplio di mas di 700 manera pa educa, por ehempel: curso, webinar, masterclass, video y articulo di conocimiento pa cada profesion. Pues, e empleado publico por scoge y personalisa su enseñansa a base di su necesidad of interes y avansa na su propio ritmo.

Cu e plataforma di Land Academy Aruba, DRH ta desea di ofrece e oportunidad y crea un ambiente cu ta stimula enseñansa y fortalece trahadonan publico pa sigui brinda e comunidad cu e miho servicio.

Via e plataforma Land Aruba Academy, e trahado publico por mehora su habilidadnan digital of mantene su mes actualisa den e mundo digital cu ta cambia continuamente. Tin cursonan pa mehora e habilidadnan di uzo di computer y software manera Word, Excel, Outlook, Office 365 etc. Algun otro ehempelnan ta curso di desaroyo di talento, maneho, cursonan di cuido personal y salud, habilidadnan di skirbi, gramatica, idioma y



seguridad. Tambe tin cursonan hopi interesante pa mehora habilidadnan di comunicacion y hiba reunion efectivo y asina tin hopi mas.

Tur empleado publico cu no a registra ainda por tuma contacto cu su hefe

di departamento pa haya acceso na e plataforma.

Ta comproba cu si cada persona sigui educa su mes, e ta mehora su capacidad, habilidad y conocimiento ariba diferente area, e ta crea oportunidadnan nobo pa

su mes y ta biba cu mas seguridad y motivacion. P'esey si bo ta trahando den Gobierno, probecha di tur local e plataforma ta ofrece y bira abo tambe un participante activo di LAND ARUBA ACADEMY.

Persona a fayece mientras ambulance ta haci yen pregunta innecesario na telefon

Keho publico:

Nos no tin nada di keha riba e personal di ambulance ni nan medico o paramediconan.

E keho ta riba e telefonista di ambulance, cual mas bien ta un protocol cu e tin cu sigui, pero un protocol cu no ta sirbi.

Recientemente un persona a haya atake di curazon y e telefonista di ambulance a keda hasi yen pregunta estúpido, causando asina un tardansa den servicio cu consecuencia fatal.

Nan kier sa tur datos personal di e persona, siendo den un emergencia, ningun hende sa e datosnan personal manera fecha di nacemento etc.

Nan ta haci un letania

di pregunta estúpido mientras pacient ta den su atake. Pa ora cu nan yega, ya tabata laat.

Ora un hende yama pidi ambulance, nos ta compronde cu por dobbel check poco informacion. Pero e telefonista ta keda exige y exige y exige y dado momento mester hasi e pregunta: kico ta mas importante? Despacha un ambulance of lage paciente fayece? E telefonistanan siguiendo e maneho di hefe, ta causa tardansa grandi.

Esaki a sosode na un negoshi grandi diasabra anochi ora cu ambulance a yega laat.

Ta spera cu e signal por bay na top di ambulance, pa nan stop cu tanto



pregunta cu den momento di emergencia, cu ningun hende por contesta.

Preguntanan estúpido: cuanto anja bo tin? Fечи nacemento, adres, kico ba come ? Bo largura?

Bo peso, y un cantidad di idiotas ta wordo puntra! Bo ta kere un hende den su dolor por contesta?

Prome Minister Evelyn Wever-Croes:

Den maneho di ATA pa promove Aruba internacionalmente, **PROME MINISTER TA WORDO ENTREVISTA PA E REVISTA RENOMBRA FORBES**

Aruba Tourism Authority, ATA, den un maneho pa promove Aruba internacionalmente, a trece e Periodista señora Natalia Gomez Navarette di Mexico. Señora Gomez Navarette ta skirbi pa e parti di Latino America pa e revista renombra FORBES. Señora Gomez Navarette a haci diferente entrevista cu diferente persona riba varios topico di Aruba especialmente cu e meta pa promove Aruba como un destino vacacional. Tambe Señora Gomez Navarette a entrevista diferente hende muhe den posicion clave na nos pais, hende muhe guiando nos pais y empoderando hende muhenan den nos pais. Esaki tawata tambe e highlight di su entrestanan.

Diahuebs, Señora Gomez Navarette hunto cu un

representante di ATA, a bishita Prome Minister Evelyn Wever-Croes na su oficina na Bestuurskantoor na unda cu a hiba conbersacionnan intenso di e trabou di e lider maximo di nos pais y e retonan pero sigur tambe e satisfaccion di ta den un posicion pa no solamente empodera hende y muchanan muhe, pero den e posicion pa hiba nos pais den recuperacion y progreso na bienestar di henter comunidad.

Como e prome Premier femenino di nos pais, e deseo di Prome Minister semper ta pa esaki habri porta pa inspira mas hende muhe den nos comunidad pa haci e extra esfuerzo pa logra cosnan grandi pa nan mes y pa nos pais. Como hende muhe, nos por logra hopi cos mientras cu nos sigui haci tur esfuerzo y insisti pa yega



na posicionnan clave y brinda oportunidadnan na demas hende muhe como tambe na hende homber pa logra.

Ainda no ta conoci ki dia e edicion di Aruba di esnan cu a wordo entrevista lo sali den e revista FORBES, pero si ta sigur cu esaki

lo promove nos isla grandemente como un destino pa turistanan bin pasa nan vakantie y contribui asina tambe na e economia di nos pais. Prome Minister ta gradici Señora Gomez Navarette y ATA pa e oportunidad y pa promove nos pais mas ainda.

Re-union familiar” di refugiadonan ta causa di caida di Gobierno di Rutte

VVD y CDA kier limita re union familiar, ChristenUnie y D66 ta pro pa re-union familiar continua sin limitacion. Gobierno di Mark Rutte tin vario dias y siman ta delibera riba un maneho nobo pa refugiado.

E punto essential di kierbo ta: un limitacion di “re-union” familiar di refugiadonan cu yega Hulanda.

Esaki a causa cu Partido di Rutte VVD tabata para liña recta contra e partner di coalicion ChristenUnie Con e maneho ta awor? Y kico lo cambia den e maneho nobo ?

VVD kier limita e cantidad di refugiado cu ta yega Hulanda. CDA ta propone pa pone dos status pa

refugiado, A y B, den cual B lo no por trece famia, te despues di dos aña.

Pone Limitacion p’e famianan di refugiado bini Hulanda, ta trapa riba dedenan di pia di ChristenUnie y D66. Nan ta haya esaki inhumano.

A purba ahusta e maneho, introduciendo un “nood stop”, un prohibicion di emergencia na re-union familiar, si encaso cu e cantidad di refugiado surpasa cierto nivel, pero aki tambe ChristenUnie y D66 no ta di acuerdo.

Ne momento aki, tur refugiado cu yega Hulanda y haya nan permiso como refugiado, dentro di 3 luna por manda busca nan esposa, partner y nan



yiunan. Si un yiu yega Hulanda e por manda busca mama y tata.

Cu otro palabra: Hulanda

tin porta habri pa refugiado y tin e maneho di mas “habri” di Europa.

Na 2022, a drenta 10.000

famia di refugiadonan, cual ta igual na 833 migrante pa luna.

MINISTER ENDY CROES A PRESENCIA GRADUACION DI ABRAHAM DE VEER SCHOOL 2023



: Diahuebs anochi, Minister di Enseñansa y Deporte Endy Croes a atende Graduacion di Commandant Generaal Abraham De Veer School na Holiday Inn. Minister Endy Croes a duna un discurso y a felicita e graduadonan di Abraham de Veer School di aña 2023.

E aña aki un total di 79 por ciento alumno a gradua. Den nos vision



di Enseñansa den Transicion 2021 – 2025 a identifica dos pilar di vital importancia, esta PEN 2030 y Sustainable Development Goals (SDG) cu ta e agenda 2030 di Nacionnan Uni. SDG 4 ta dirigi pa crea enseñansa di calidad cu inclusion, “Lifelong Learning” y duna tur alumno e oportunidad pa siña e habilidad- y competencianan di siglo 21.



E SDG 4 ta papia di e habilidad di siglo 21 y a stimula e cuater (4) C-nan, cual ta para pa comunicacion, colaboracion, pensamiento critico (critical thinking) y creatividad. Finalmente, Minister Endy Croes ta gradici directora Jane Bueno-Hooft y tur esnan cu a contribui den e logro di e graduadonan y desea tur graduado hopi exito den e siguiente etapa di nan vida.



Minister Geoffrey Wever y Minister Glenbert Croes: SER ta duna conseho pa un transicion di energia inclusivo na Minister Wever y Minister Croes

Cu produccion di energia mester bin di fuentenannan mas limpi y renobabel, ya no ta un duda. Loke si ta sumamente crucial pa considera ta cu tur ciudadano por participa y beneficia di e transicion aki.

Riba 7 di juli, Minister di Asuntonan Economico, Comunicacion y Desaroyo Sostenibel, sr. Geoffrey Wever, conhuntamente cu Minister di Energia, Labor y Integracion, sr. Glenbert Croes, a ricibi un splicacion amplio riba e conseho “Inclusieve Energietransitie” di Sociaal- Economische Raad (SER)

Den cuadro di desaroyo economico sostenibel y inclusivo, minister Wever a pidi SER conseho con pa garantiza cu tur grupo den sociedad, incluyendo e grupo cu ta financieramente mas vulnerabel por participa y beneficia di e transicion pa energia renobabel.

SER a enfoca riba e principio cu tur ciudadano tin derecho di beneficia di e transicion, principalmente esunnan cu ta den un posicion financiero mas vulnerabel mirando cu e porcentahe cu ta bai na paga corriente a base di entrada di e grupo aki, ta uno relativamente halto.

Actualmente tin mas o menos 1000 cas na Aruba cu tin un instalacion di solar panel, esaki ta solamente 2.6% di e totalidad di casnan na Aruba unda cu e mercado solar mes a mira un crecemento di 108% entre 2014 cu 2019

E retonan cu SER a identifica ta e situacion financiero precario di hopi hogar, hopi ta esnan cu ta huur un cas y no ta doño di e cas, ademas hopi di e daknan di cas ta den mal condicion.



E conseho a refleha ariba entre otro e capacidad di e grid di corriente pa facilita e transicion, tambe e simplificacion di e proceso pa por haya keuring pa solar panels y por ultimo e posibilidad di por haya financiamiento.

Ta conclui cu e mihor opcion pa cu

energia renobabel na Aruba awor ta un combinacion di energia a base di solo y biento. E mihor opcion ta pa construi “Solar Parks” cu e gruponan di mas vulnerabel den nos sociedad por beneficia di dje y ta yuda reduci costo di bida.

Minister Geoffrey Wever y Minister Croes ta gradici

SER pa e conseho “Inclusieve Energietransitie”, un conseho cu lo contribui pa traha maneho pa asina tur grupo den nos sociedad por participa y beneficia di e transicion pa energia renobabel, cu ta un fundamento esencial pa ta un pais inclusivo y ta recomenda tur ciudadano pa lesa e rapport aki.

MINISTER ENDY CROES A PRESENCIA GRADUACION 2023 DI COLEGIO EPI, SECTOR ECONOMIA



O R A N J E S T A D : Recientemente, Minister di Enseñansa y Deporte Endy Croes a atende Graduacion di Colegio Educacion Profesional Intermedio (E.P.I.) na ballroom di Aruba Marriott Resort & Stellaris Casino.

Minister Endy Croes a duna un discurso y a felicita e 57 graduadonan di Colegio E.P.I., Unit Economia. Durante e ceremonia a anuncia e miho graduadonan di Unit Economia, esta

Cassandra Donato di 4FA, Pressy Pesqueira di 4CD, Carouna Seferina di 4DS y Jordan Lewis di 4TA y “overall” miho graduado di Sector Economia, Cassandra Donato.

Pa finalisa, Minister Endy Croes ta gradici directora general Sra. Ankie Danker y unitmanager economia Sra. Juliette Hoftijzer y tur esnan cu a contribui den e logro di e graduadonan. Minister ta desea tur graduado hopi exito den e siguiente etapa di nan vida.



Un hombre transgender a gana Miss Holland y lo participa den Miss Universe na El Salvador

Rikki Kolle di 22 aña a keda eligi como Miss Holland 2022 diasabra anochi na AFAS theatre na Leusden y lo representa Hulanda na certamen di miss universo na El Salvador. El a keda corona y bisti su sjerp.

E ta e prome transgender cu a logra gana tur e otro muhernan bunita di Hulanda.

E ta di dos transgender cu a participa den e certamen Hulandes. despues di Loiza Lammers na 2015. El'a gana atencion di huradonan y tabata vibrante.

E candidatanan y candidato transgender tabata na Curacao pa ricibi training durante e programa di e certamen. Miss Holland Rikki Kolle lo ta e di dos hombre transgender cu lo participa na Miss Universo. Angela Ponce di Spaña tabata e promer na 2018.





 **The Florin Card**

AAdvantage®

Cumpra local y haya recompensa global.

Introduciendo un facilidad di credito cu
pagonan confortabel y cu ta recompensa
bo cu AAdvantage® Awards.

E tarheta cu ta brinda un
facilidad di credito na florin cu
ta recompensa bo y yuda bo
biaha mas.

- Ricibi 1 AAdvantage® award mile
pa cada 2 florin di compra.
- Disfruta di mas recompensa,
beneficio y siguridad cu abo
merece.
- Tuma miho control di gasto cu
pago mensual na bo favor.
- Cero gasto di cambio di moneda y
transaccion.

PA TEMPO LIMITA
**Miembrecia
GRATIS**
pa prome año



cmbnv.com |



 **Aplica awe mes!**

Dama herida den accidente serio na Bakval



Bakval - Diasabra atardi a sosode un accidente serio, momento cu un boto a los y parto di e trailer y unda e boto ta hak a bay dal contra un Nissan Skyline.

e situacion cu ta trata di un accidente serio y mesora a solicita pa mas polis pa asina yuda cera e area.

Locual nos a compronde ta cu un auto Mitsubishi lastrando un boto tawata

bayendo direccion pariba, net ora e Nissan Skyline tawata pasando algo a bay full robes.

Ora cu e boto a ranca e parti cu ta hak na e Mitsubishi a kita y bay dal contra e Skyline, pasando door di auto heridando e dama den e auto. Parti di e trailer a keda pega den e auto.

Brandweer na e sitio mes- ter a yuda corta un parti di e auto pa asina libera e dama. Unabes libera, e la wordo pasa over pa Paramediconan cu a mesora sali despues cu ne direccion Hospitaal.

Polis di trafico na e sitio a conduci un investigacion riguroso di e accidente serio aki, unda daño material tambe ta considerabel.


**Pa Orashion prome
cu entierro
ESTA VIGILIA
y orashion despues
di entierro esta
OCHO DIA**

**por jama
Atanasio Brema**

**Cel. 569 2763
of 568 6141**

SEMPER NA BO ORDO

TA BENDE 2 CACHO SHITZU



SHITZU 1 HEMBRA 1 MACHO CLA PA BAY. NAN TA SIN VACUNA PA 800FL SO. PA PERSONANAN INTERESA

YAMA 5948921 of 5660538

AUTO HORTA LAGA MEMEY DI CAMINDA



Luxemburgstraat - Diabierna algo prome cu mey anochi polis a bay ariba e caminda di tera den Luxemburgstraat, pa un auto

laga memey di caminda. Na yegada un di e agentenan a reconoce e auto cu dia anterior a wordo horta.

Tawata trata di un Suzuki Vitara.

E glas tawata kibra patras, no ta conoci si ta e ladron

a kibra e glas, of si esaki tawata kibra caba.

Agentenan na e sitio haciendo nan trabou investigativo, a bay paden di un

cas net unda cu e auto a keda para.

Esaki posiblemente pa haya mas informacion.

Chauffeur bou influencia ta baha caminda y ta dal contra algun baranca cu su Toyota Altezza



Tanki Leendert: Diasabra den oranan di marduga, riba e caminda di Oranjestad pa Tanki Leendert, na altura di Acropolis Plaza, chauffeur di un Toyota Altezza

shinishi, pa un of otro motibo lo a perde control y a baha caminda dal contra e barancanan cu tin canto di caminda. Niun persona tabata herida. Mesora esnan presente a avisa polis.

Na yegada polis a nota cu e ocupantenan lo tabata bou influencia y a detene e chauffeur. E la wordo transporta pa warda di polis. E impacto fuerte a move un of mas baranca.

Dos hoben actuando sospechoso den Piedra Plat a sconde den bar'i sushi

Habitantenan di Piedra Plat diasabra marduga a tuma nota di dos hoben actuando sospechoso pariba di e veld di britania y despues a capta con nan tabata loer bandi auto dilanti un cas. Pero ora e dos personanan aki a sinti cayente y cu polis ta yegando, ambos a habri un baki sushi y tira nan curpa aden pa sconde. Patruya di biaha a presenta y a bay habri e bari di sushi y topa cu dos mucha homber scondi, ambos ta menor di edad. Nan bin cu varios version cu ta wifi nan ta buscando, polis a controla ambos y a papia cu nan debidamente, y a warda nan mayor presenta y asina hala nan atencion.



Quadracer horta un dia prome haya




Madiki - Polisnan tawata tin un diabierna pa diasabra marduga bastante druk. Mas den oranan di marduga fuera di e Suzuki horta haya memey caminda, a bin haya un quadracer altura di Veld di Riverplate.

Ta asina cu polis a bay cerca di e veld y

berdad a bin topa cu un quadracer, cu lo a wordo horta diabierna mes. Prome cu esey, lo tawata tin varios persona rond of altura di e quadracer pero manera a tende cu polis ta biniendo esaki nan a move mesora. Polisnan a keda na e vehiculo aki te ora nan a haya manera pa bay cu ne.

PRONOSTICO DI TEMPO



VALIDO TE DIALUNA 10 DI JULI 2023, 18:00 ORA


TEMPO:
 AWE TARDI Y AWE NOCHI: PARCIALMENTE NUBLA Y GENERALMENTE SECO
 DEN MARDUGA Y MAYAN: PARCIALMENTE NUBLA CU UN AWACERO PASAJERO Y LOCAL

TEMPERATURA MAXIMO 33 GRADO CELSIUS
 TEMPERATURA MINIMO 27 GRADO CELSIUS
 INDICE DI CALOR (HEAT INDEX) DEN Y ROND DI ORANAN DI MERDIA: 34 PA 40 GRADO CELSIUS
 UV INDEX: 12

AVISO/ ALERTA:
 TA SUGERI OPERADORNAN DI BOTO CHIKITO PA BAI CU CAUTELA NA PARTINAN OOST TE NOORDWEST DI COSTA Y NA OTRO PARTINAN RIBA LAMA HABRI

PRONOSTICO DI TEMPO PA PROXIMO 3 DIANAN: PARCIALMENTE NUBLA CU UN AWACERO BREVE. BIENTO LO TA FOR DI DIRECCION OOST Y MODERA TE BASTA FUERTE, FUERTE TE DURO DEN RAFAGA; TEMPERATURA (GRADO CELSIUS) MAX / MIN LO TA: 33 / 28

Dama chauffeur bou influencia deteni despues di a accidenta na e crusada di Caya Juancho Kock cu Dadelstraat



Dadelstraat cu Caya Juancho Kock, Dakota:

Diasabra un poco despues di mey anochi di un dama tras di stuur di un pickup Mitsubishi l200 blauw tabata biniendo di Caya Juancho Kock acercando e crusada cu Dadelstraat, e dama no lo a pone bon tino cu e tabata yegando e bocht, e la sigui straight y a drenta un mondi chikito, bay dal contra un mata di Kwihi y a keda pega riba un sero di

santo.

E dama no tabata herida. E auto si a haya daño material y a saca huma pa un rato.

Mesora e habitantennan cu a scucha e zonido fuerte a avisa polis.

Na yegada e agentenan policialna ripara mesora cu e dama chauffeur ta-

bata bou influencia y no por a supla mes. Mesora e dama chauffeur a wordo deteni y transporta cu e van di CEA pa warda di polis. Diabierna anochi pa diasabra marduga tabata muestra un anochi hopi druk, pa motibo aki CEA tabata cooperando cu Cuerpo Policial pa transporta e personanan cu wordo deteni pa warda di polis.

Homber cu rabia ariba su pareha a destrui dos auto



Sero Blanco/San Barbola - Diabierna anochi den careda di 11'or polis a bay Sero Blanco, unda un homber hoben a comete destruccion na dos auto.

Na yegada polis ta topa cu un dama hoben na yoramento y a conta polis cu e homber cu e ta cu ne ta esun cu a haci esaki. E homber lo tawata bastante agresivo.

Polis a keda tira bista rond buscando e homber y bingo un poco mas pariba den San Barbola polis a topa cu e homber y mesora a bay over na detene.

E homber hoben tawata grita un monton di palabra sushi y tawata insulta e dama. E dama a keda sorprendi cu e homber cu e ta stima a bira asina



agresivo. Transportwagen a presenta y a hib'e warda di

polis unda cu si ta bon y si e dama no hala e denuncia aden e lo a keda encarcela.

Un persona deteni despues di bringamento na Linear Park



L.G.Smith Boulevard - Diabierna anochi hopi unidad policial mester a bay Linear Park, pa bringamento. E motibo pakiko hopi pa-

truya a bay tawata debi na e multitud na e sitio. Diabierna juli 7 tawata e tin e conocido Spula Krijt, y mester bisa cada aña es-

aki ta birando un evento masha grandi mes. Dado momento algo a bay robes na Linear Park y a start un problema unda cu

lo tawata tin mandamento di boter. Polis cerca mesora a dren-ta accion y den algun minuut a detene un homber

envolvi. Transportwagen a wordo solicita y na yegada a hiba e homber warda di polis na Paardenbaaistraat, unda e la keda deteni.

Dos homber bebi drumi den van na Tanki Leendert

SOLO

SUDOKU MANIA

8			3					
3					5			
		9	1		4			
	4			8		7		
6								2
		8		2			3	
			7		9	6		
			2					5
					8			4

Diasabra marduga polis a keda informa cu riba e parkeer plaats di e pompstation na Tanki Leendert a presenta un van color cora y dos homber aden a baha stoel, e persona cu a mira esaki a informa polis di biaha.

Patruya di biaha a presenta n’e sitio y ta topa cu e van di berdad staciona riba e tereno di e pompstation y dos homber aden tabata stoel baha y segun nan, cu nan a tira un cabes un rato.

Polis a combrsa cu am-



bos homber y tuma dato y asina nan a tuma ca- minda pa cas.

SABIDURIA DEN NOS ALEGRIA

Skirbi pa Ruthy”Lady Ruth” Vrieswijk-Bergen




Awor ta net un bon momento pa nos relata un crenchi di e bunita Prome Encuentro Literario, Cultural y Linguistico entre Aruba, Boneiro y Corsou cu a tuma lugar den e luna di Juni ultimo, mirando cu otro siman Diamars dia 18 di juli lo tin e di 2 Encuentro interesante y importante aki den e sala di Biblioteca Nacional Aruba. Den e Prome Encuentro nos por a scucha e tremendo oradoronan master, e gentil cabayeronan Wini Paulo di Corsou y Boi Antoin di Boneiro cu a capta e atencion total di tur presente y tawatatin tambe presentacion di caha di orgel y presentacion special di artistanan di Aruba, e.o. e Poetanan Munye Oduber-Winklaar y Ariana Koolman Chirino. E publico presente por a disfruta tambe di bailenan bunita presenta pa e grupo Mardi Gras di Corsou. Ki bunita, interesante, informativo y educativo tawata e charlanan. Boi Antoin a papia e.o. di e mesun palabranan cu ta ser papia, palabranan un crenchi diferente cu ta existi riba tur tres islanan cu un of otro acento un crenchi diferente, cu nificacion igual. Wini Paulo a presenta su buki chikito yen di dichonan y proverbionan of expresionnan na Papiamento. “Biba palabra” ta e di 4 buki chikito di Wini Paulo cu algo mas di 200 expresion, proverbio, spreko, con cu ke yamanan. Tawata reina un

ambiente super positivo e anochi ey, un sala completamente yen di personanan cu ta stima, papia y skirbi na nos dushi idioma Papiamento. Di curason nos ta comparti e presencia di e rumannan Lopez : Hubert,Casandra, Michael y Edsel, (mi ke sa ma lubida un, sorry !) yiunan di e abogado Shon Lopez dfm. E profeshonal Edsel Lopez a yuda hopi den realisa e actividad aki . Su aporte y contribucion grandi a wordo altamente aprecia. Un anochi pret tambe cu hopi harimento acompaña pa un glas di binja y algun dushi snacks. E comishon organisador ta sumamente contento y gradicido cu e botternan di binja regala pa Romar Trading. Y cu e toke di Conmemoracion Abolishon 160 anja esclavitud, lo sigui pone luz y atencion ariba literatura, cultura y nos lenga materno entre e islanan ABC dia 18 di juli, diamars venidero di 6pm pa 9 pm , den Encuentro 2. E biaha aki lo tin como oradornan e bunita simpatico y dinamico Sra. Ange Jessurun di Corsou. Un dama cu ta hopi conosi y stima den e competencianan di e hobennan den “Arte di Palabra”, e biaha aki como tremendo autor di e buki “Faya Lobi” 200 anja di amor ferviente den Diaspora. Un obra sumamente exitoso !cu ya a crusa hopi frontera. Tambe Sr. Dominico Werleman, autor di e buki “ Hallo !Mi ta sapato dre-


chi di Mauricio” y otro storianan cortico.Y varios artista di Aruba lo tey pa duna nan bunita presentacion, un toke cu semper ta pone mas luz y briyo riba e anochinan bunita asina. E di dos Encuentro literario cultural linguistico lo cuminsa pa 6 pm di atardi y lo bay te cu 9 pm anochi. Stoelnan ta limita, kemen bin tempran si bo ta un persona cu no por para hopi largo. Un otro anochi di actividad organisa pa e dinamico pareha cu amor y passion pa cosnan di liter-

atura y cultural cu Aruba semper na pechu, e pareha Mirto Lacle y su bunita sra esposa Jenny Boezem en cooperacion cu Biblioteca Nacional y otro instancianan. Shonnan, danki pa lesa nos relato cu atencion.

“Stay safe, love you too “! Un “bearhug” di Lady Ruth. Un bon dia yen di alegria ! Un siman nobo colma di salud y bendicion. Nos ta acepta cada dia nobo como un regalo mas. “One day at a time”.



Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado : Sorteo 09 July 2023 Merdia

CATOLICI Sorteo # 3966 5804 6625 1544	LOTTO 5 Sorteo # 0 x Jackpot 0 x Match 4+ 0 x match 4 0 x Afl. 12,00	Joker Letter Proximo Jackpot 270.000,-
MULTI X FP BIG 4 Sorteo # 3966 9137	LOTTO DI DIA Sorteo # 6172 0 x Jackpot 5 x Match 4 89 x Afl. 8,00	04-17-22-23-27 Proximo Jackpot 51.000,-
DFF Sorteo # 2022 9562	MEGA Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00	Mega Ball: Proximo Jackpot 370.000,-
ZODIAC Sorteo # 3966 9696 Sagitario	MEGA PLUS Afl. 480.000,-	
LUCKY 3 Sorteo # 840 339	KORSOU Sorteo #	
MULTI X X2		

*Dios ta amor.... Y amor ta Dios,
Maske mi no ta na e mundo aki,
tur dia lo mi ta banda
di boso Curazon, mi por stens di loke
Señor ta hasi”*

Salmo 33

*Cu Honda pena pero conforme cu boluntad di
Dios nos ta anuncia cu a fayece tragicamente:*

Adelizah Sherrylane Richanella Vrolijk

Mihor conoci como “Lizah”

**08-07-1985 †05-07-2023*

Na number di su Mayornan:

Anselmo (Leo) Vrolijk

Adeline (Chelley) Vrolijk-Krosendijk

Na number di su Yiunan:

Reghell Koolman

Regghan Koolman

Reghinald (Rj) Koolman

Su ruman nan:

Jeremy Vrolijk y Miguelangela Koolman

Andrew Vrolijk

Clydeson Correa

Manera Ruman:

Ghyslaine Krosendijk

Welo(a)nan:

† Timoteo (Eti) & Sra. Vda Aura Vrolijk-Croes

† Cerilio (Richi) & † Sra. Agnes (Nechi) Krosendijk-Semeleer

Subrinonan:

Jerson Vrolijk;

A'dreon Vrolijk, A'drian Vrolijk

Ashwin Krosendijk

Tata di su yiunan:

Reghinald Koolman

Tanta y Omonan:

Sixto y Cristina Vrolijk-Croes

Maria Vrolijk y Herry Rosel

Lino Vrolijk

Annie Vrolijk

Eta y Wilfrido Thiel-Vrolijk

Jane y Denchi Werleman-Vrolijk

Eli Vrolijk

Lourdes (Judith) y Jossy Heronimo-Gomez

†Brenda Krosendijk

Caroline y Abelino Hernandez-Krosendijk

Daisy Krosendijk

Bernardo Winklaar

Prima y primonan:

Denrick y Sayenne y famia; Randall; Janelle y Jason y famia;

Marielle y Lionel y famia; Edward y Eileen y famia; Edmee y Famia;

Juryane y famia; Hilyann; Edselin y famia; Kenneth y Dominika y famia;

Keyli; Denver y Nathania y Famia; Sixto T; Josmar, Jose, Jermain, Jaymir;

Ruben, Jordano y Ivan; Stacey y Jose Falcon Silva, Jeric Felisia,

Abel Hernandez Villalobos, Abilaysha Hernandez Villalobos;

Cedric Krosendijk, Hilward y Soraya Krosendijk y Famia;

Kimberly Krosendijk, Desharina Krosendijk y Amadeé Krosendijk;

Ediomar, Rensell, Rosslyn

Madrina cu Padrino:

Judith Gomez; Daisy Krosendijk;

Sixto Vrolijk

Mama di su subrinonan:

Priscilla Ridderstap

Estephania Henriquez

Wela y welo di su yiunan:

Maria (Liza) & Elvis Werleman - Irausquin

Fransisco (Toy) Koolman

Mihor Amiga(nan):

Yeniree Penja, Valerie Franken, Stephany Celair

Nos ta invita tur:

Tanta y Omo grandi nan, Comer y Compennan, Ihanan, Primo y primanan, Amigo y Amiganan, Su coleganan di Do It Center y ex colega nan, Famia nan: Vrolijk, Krosendijk, Koolman, Croes, Geerman, Werleman, Thiel, Semeleer, Correa, Felisia, Hernandez-Villalobos, Heronimo, Gomez, Koolman, Quandt, Roja, Roga, Dubero, Peña, Monsanto, Kelly, Ras, Wever, Tromp, Eckmeyer, Bikker, Maduro, Rivero, Martinus, Dake, Jacobus, Davelaar, Rafael, v/d Biezen, Sielstra, Odor, Rubio, Wester, Marsera, Yeung, Rollock, Fingal, Hasham, Hernandez, Kock, de Cuba y demas famia, bisña y amigonan di cas.

Ta invita pa asisti na acto di condolencia cu lo tuma lugar diadomingo 09 di juli di 6pm pa 8pm na Olive Tree Funeral Care (Piedra Plat). Acto di entierro ta tuma lugar dialuna 10 juli for di 1pm pa 4pm lo ta reposa den Misa Inmaculada Concepcion na St Cruz. Nos disculpa si den nos tristesa nos por a lubida di menciona algun famia. Nos ta lamenta cu despues di entierro nos no por ricibi bishita di condolencia na cas.

